



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Commentaria Vetustissima & profundissima Super Canticvm Canticorum Salomonis Qvod Hebraice Dicitvr Sirhasirim**

**Wolbero <de Sancto Pantaleone>**

**Coloniae Agrippinae, 1630**

Versvs XIII. Ficus protulit grossos suos, vineae florentes dederunt odorem suum. Surge, propera amica mea, speciosa mea, & veni.

**urn:nbn:de:hbz:466:1-10027**



*Matt. 10.* mans, pœnitentiam agite appropinqua-  
bit enim regnum cœlorum. Beata quo-  
que Dei Genitrix singulare est spe-  
culum castitatis, quæ solitaria, & in  
diuina contemplatione posita ab  
Angelo salutatur, & Christi Mater  
futura prædocetur, moxque diuinę  
animaduersionis sententiam pœ-  
nitentiã mutatam denuntiat, cum

*Luc. 2.* misericordiam eius in progenies & proge-  
nies futuram proclamat. Sanctus ve-  
rò Ioannes Baptista castitatis filius  
mente & corpore Virgo, quo ma-  
gis fuit ab hominibus remotus tan-  
tò magis Deo per contemplatio-  
nem exitit proximus; fuit enim in  
deserto prædicans baptismum pœnitentię,  
& clamans gemebunda turturis  
voce, facite fructus dignos pœnitentię.

*Matth. 3.* Non autem erit ut credimus in-  
eptum notare septenam causę nu-  
merum, ut ostendamus ipsius cau-  
sę effectum septiformis spiritus sę-  
per fuisse dignationem & benepla-  
citurum: nam hyemis, id est, infidelita-  
tis transitio; imbris, id est, persecutio-  
nis transitio; florum, id est, bono-  
rum operum apparitio; vitio-  
rum amputatio; turturis, id est, euan-  
gelij proclamatio; grossorum ficus prola-  
rio, id est, legalium obseruationum  
in veritatem mysteriorum reuela-  
tio; vinearum, id est, gentium ad fidẽ  
conuersarum, suauiter redolens opera-  
tio, quid sunt nisi septiformis spiri-  
tus beneplacitum & dignatio?

## VERSUS XIII.

*Ficus protulit grossos suos, vinea  
florentes dederunt odorem suum. Surge,  
propera amica mea, speciosa mea, &  
veni.*

*Quid cur  
ficus intel-  
ligatur,  
quæ dici-  
tur protu-  
lisse gros-  
sos suos.*  
*Rom. 10.* **F**icus, inquit, protulit grossos suos,  
hoc est Iudæa hæctenus sterilis  
carnales cœpit intelligere cerimo-  
nias, & corde credendo ad Iustitiam ore  
autem confitendo ad salutem, quod  
carnaliter sapiebat, hoc iam spiri-  
tualiter sapit, & fide atque opere o-  
stendere gestit.

*Quid per  
vineas flo-  
rentes &  
odorem  
danres.*  
*Vinea etiam florentes odorem dede-  
runt,* quia gētes audito verbo fidei,  
iam incipiunt boni operis vbique  
spargere odorem.

Non ergo ordo locutionis huius  
sine ratione attenditur, in qua tria  
ista, fides, spes, & charitas, siue alia  
tria, intentio, operatio, contem-  
platio considerantur, cum ista ho-  
rum sint consequentia, ut qui cre-  
dit, speret, & diligat, & nemo spe-  
rare & diligere possit, nisi qui cre-  
diderit; nemo etiam operatur nisi  
prius intendat quid, & quomodo,  
& quando, & quare operetur; sub-  
tilitatem verò contemplandi nemo  
cõsequi possit, nisi ad hanc bonorũ  
operum sublimitate profecerit.

Septenũ  
numeri  
causa ob  
quam di-  
lectus vult  
dilectam  
surgere,  
& venire,  
septifor-  
mis spiri-  
tus est be-  
neplacitũ.

Causas enim huiusmodi, & quod  
ex his efficiebatur, siue efficitur cau-  
sas, hoc est, credere, sperare, dilige-  
re, of-  
labatur ab initio, & adhuc  
operatur quotidie Spiritus Dei;  
quia omnis infidelitatis & malitię  
remotio, fideique & salutis colla-  
tio constant ipsius dono, qui omnẽ

Spiritus  
sanctus est  
ordinator  
status Ec-  
clesiastici.

in



in sancta Ecclesia æquitatis, honestatis, & utilitatis prouidet, componit, & ordinat statum. Vnde etiam sponsus cum loquitur sponsæ, *vox turturis audita est*, subdit, *in terra nostra*, vt videlicet insinuet nullum effectum Sacramentorum, nullam spem salutis esse extra Catholicam Ecclesiam: sed omnem Euangelicæ prædicationis vocem in obseruatione præceptorum, in ordine & reuerentia Sacramentorum infra sanctam Ecclesiam tenendam, in qua datur & accipitur ipse Spiritus sanctus. *In principio enim*, vt scriptum est, *terra erat inanis & vacua*, quia antequam mens humana spiritu fœcundaretur diuino, nullo virtutum flore vel germine componebatur, sed postquam, *Spiritus Dei ferebatur super aquas*, hoc est super fluentia & instabilia hominum corda, tum demum lux veritatis & fructus iustitiæ per totum effunditur mundum, vt terra illa primò inanis & vacua Dei fieret Ecclesia, in qua ipse per gratiam suam inhabitaret, & suam faceret terram iam florentem & fructificantem, & quoddam vitale & rationabile honestatis & disciplinæ quasi hominis specimen præferentem per gratiam inhabitantem.

Cur turturis vox audita dicitur in terra nostra.

Gen. I.

Charitas vera in quo consistat.

Igitur cum propriæ salutis dilectus dilectam fecerit sollicitam proximorum quoque salutis negligentem non esse admonet, vt hanc veram insinuet esse charitatem, quæ ita proximis sicut & sibi

studio pietatis prouidet, quatenus merito *amica, columba, formosa*, gratiæ vocantis & iustificantis appellatione honoretur.

Sequitur enim dilectus repetito superiori appellationis numero, *Surge propera amica mea, speciosa mea, & veni*. Quia inquit ad hoc mea gratia profecisti, vt tuimet curam gerere possis, mundum contemnendo, & meæ dilectioni per contemplatiuæ vitæ studium inhærendo, debes quoque interdum per actiuæ vitæ laborem proximis prodesse verbo & exemplo, quia cum te talem effecerim, vt habeas gratiam docendi & operandi, non sine tui periculo, de infesso reddes rationem talento. Sed *surge* ad laborem istum aliquando de illo quietis tuæ dulcissimo somno pro causa fraternæ necessitatis, & *propera* docendo, & ab huius mundi amore proximos retrahendo, vt ipsos quoque tecum in illud solitarium quietis tuæ deducas domicilium. Hoc autem facies velut *amica mea* per fidem, *speciosa mea* per operationem, *columba mea* per Spiritus sancti infusionem.

Surgere, properare, venire, ad quod spōsa inuitatur, est proximo-rum vtilitatis seruire.

VERSVS XIV.

*Columba mea in foraminibus petreæ, in cauernâ maceris, ostende mihi faciem tuam, sonet vox tua in auribus meis: vox enim dulcis & facies tua decora.*

**Q**uia te columbæ comparauit, O 2 co-